

ÁKVÖRDUN FRAMKVÆMDASTJÓRNARINNAR

2008/EES/73/20

frá 13. október 2005

um samræmi tiltekinna staðla við almennar öryggiskröfur í tilskipun Evrópuþingsins og ráðsins 2001/95/EB og birtingu tilvísana til þeirra í Stjórnartíðindum Evrópusambandsins (*)

(tilkynnt með númeri C(2005) 3803)

(2005/718/EB)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af tilskipun Evrópuþingsins og ráðsins 2001/95/EB frá 3. desember 2001 um öryggi vöru ⁽¹⁾, einkum annarri og fjórðu undirgrein 2. mgr. 4. gr.,

að höfðu samræmi við fastanefndina sem komið var á fót í samræmi við 5. gr. tilskipunar Evrópuþingsins og ráðsins 98/34/EB frá 22. júní 1998 sem setur reglur um tilhögun upplýsingaskipta vegna tæknilegra staðla og reglugerða ⁽²⁾.

og að teknu tilliti til eftirfarandi:

- 1) Í 1. mgr. 3. gr. í tilskipun 2001/95/EB er mælt fyrir um skyldu framleiðenda til að setja einungis öruggar vörur á markað.
- 2) Samkvæmt 2. mgr. 3. gr. tilskipunar 2001/95/EB skal gengið út frá að vara sé örugg, að því er varðar þær hættur og þá áhættuflokka sem falla undir viðeigandi landsstaðla, ef hún er í samræmi við valfrjálsa landsstaðla sem settir hafa verið til lögleiðingar Evrópustöðlum, en framkvæmdastjórnin hefur birt tilvísun í þá í Stjórnartíðindum Evrópusambandsins í samræmi við 4. gr. þeirrar tilskipunar.
- 3) Samkvæmt 1. mgr. 4. gr. tilskipunarinnar skulu evrópskar staðlastofnanir koma á Evrópustöðlum með umboði frá framkvæmdastjórninni. Framkvæmdastjórnin birtir vísanir til slíkra staðla.

- 4) Í 2. mgr. 4. gr. tilskipunarinnar er mælt fyrir um málsmeðferð fyrir birtingu vísana til staðla sem evrópskar staðlastofnanir samþykkja fyrir gildistöku tilskipunarinnar. Ef þeir staðlar tryggja samræmi við almennu öryggiskröfunar skal framkvæmdastjórnin ákveða að birta tilvísanir í þá í *Stjórnartíðindum Evrópusambandsins*. Í þeim tilvikum skal framkvæmdastjórnin, að eigin frumkvæði eða að beiðni aðildarríkis, ákveða í samræmi við málsmeðferðina í 2. mgr. 15. gr. tilskipunarinnar hvort téður staðall uppfyllir almennar öryggiskröfur. Framkvæmdastjórnin skal ákveða birtingu tilvísunarinnar að höfðu samráði við nefndina sem sett var á stofn í samræmi við 5. gr. tilskipunar 98/34/EB. Framkvæmdastjórnin skal tilkynna aðildarríkjunum um ákvörðun sína.
- 5) Evrópskar staðlastofnanir hafa hins vegar samþykkt suma staðla eftir gildistöku tilskipunarinnar án umboðs sem veitt er skv. 1. mgr. 4. gr. tilskipunarinnar. Ætlun löggjafans var að tryggja samstarf við evrópskar staðlastofnanir og að viðurkenna hentuga öryggisstaðla, fyrir vörur sem falla undir gildissvið tilskipunarinnar, og umboð framkvæmdastjórnarinnar var ekki gefið út fyrir í samræmi við viðeigandi ákvæði sem vísað er til í 4. gr. Því er rétt að ihuga birtingu tilvísana til slíkra staðla og halda áfram með það að markmiði, í samræmi við málsmeðferðina sem mælt er fyrir um í 2. mgr. 4. gr.
- 6) Þessi ákvörðun um samræmi staðlanna, sem skráðir eru í viðaukanum við almennar öryggiskröfur, er tekin að frumkvæði framkvæmdastjórnarinnar.
- 7) Ráðstafanirnar, sem kveðið er á um í þessari ákvörðun, eru í samræmi við álit nefndarinnar sem fjallað er um í tilskipun 2001/95/EB,

SAMÞYKKT ÁKVÖRDUN ÞESSA:

I. gr.

(*) Þessi EB-gerð birtist í Stjtið. ESB L 271, 15.10.2005, bls. 51. Hennar var getið í ákvörðun sameiginlegu EES-nefndarinnar nr. 83/2006 frá 7. júlí 2006 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá *EES-viðbætur við Stjórnartíðindi Evrópusambandsins* nr. 52, 19.10.2006, bls. 13.

⁽¹⁾ Stjtið. EB L 11, 15.1.2002, bls. 4.

⁽²⁾ Stjtið. EB L 204, 21.7.1998, bls. 37. Tilskipuninni var breytt með tilskipun 98/48/EB (Stjtið. EB L 217, 5.8.1998, bls. 18).

Staðlarnir, sem tilgreindir eru í viðaukanum, uppfylla almennar öryggiskröfur í tilskipun 2001/95/EB varðandi hættuna sem þeir ná yfir.

2. gr.

Tilvísanir til staðlanna í viðaukanum skulu birtar í C-deild *Stjórnartíðinda Evrópusambandsins*.

3. gr.

Ákvörðun þessari er beint til aðildarríkjanna.

Gjört í Brussel 13. október 2005.

Fyrir hönd framkvæmdastjórnarinnar,

Markos KYPRIANOU

framkvæmdastjóri.

VIÐAUKI

Staðlarnir sem um getur í 1. og 2. gr. ákvörðunarinnar:

1. EN 13899:2003 — Íþróttabúnaður á hjólum — Hjólaskautar — Öryggiskröfur og prófunaraðferðir
 2. EN 13138-2:2003 — Flotbúnaður til nota við sundkennslu — 2. hluti: Öryggiskröfur og prófunaraðferðir fyrir flotbúnað sem fólk heldur á
 3. EN 13319:2000 — Fylgibúnaður til nota við köfun — Dýptarmælar og samstæður dýptar- og tímamæla — Virkni- og öryggiskröfur, prófunaraðferðir
 4. EN 1651:1999 — Svifhlífabúnaður — Belti — Öryggiskröfur og styrkleikaprófanir
 5. EN 12491:2001 — Svifhlífabúnaður — Neyðarfallhlíf — Öryggiskröfur og prófunaraðferðir
 6. EN 913:1996 — Fimleikabúnaður — Almennar öryggiskröfur og prófunaraðferðir
 7. EN 12655:1998 — Fimleikabúnaður — Hringir — Virkni- og öryggiskröfur, prófunaraðferðir
 8. EN 12197:1997 — Fimleikabúnaður — Svifrár — Öryggiskröfur og prófunaraðferðir
 9. EN 12346:1998 — Fimleikabúnaður — Veggrimlar, reitarimlar og klifurgrindur — Öryggiskröfur og prófunaraðferðir
 10. EN 12432:1998 — Fimleikabúnaður — Jafnvægisslár — Virkni- og öryggiskröfur, prófunaraðferðir
 11. EN 916:2003 — Fimleikabúnaður — Stökkkistur — Kröfur og prófunaraðferðir, þ.m.t. öryggi.
 12. EN 12196:2003 — Fimleikabúnaður — Hestar og kubbar — Virkni- og öryggiskröfur, prófunaraðferðir
 13. EN 1860-1:2003 — Tæki, fast eldsneyti og kveikiefni til nota í grill — 1. hluti: Grilltæki sem brenna föstu eldsneyti - Kröfur og prófunaraðferðir.
 14. EN 1129-1:1995 — Húsgögn — Beddar sem leggjast saman — Öryggiskröfur og prófun — 1. hluti: Öryggiskröfur
 15. EN 1129-2:1995 — Húsgögn — Beddar sem leggjast saman — Öryggiskröfur og prófun — 2. hluti: Prófunaraðferðir
 16. EN 14344:2004 — Barnavara og vara til nota við umönnun barna — Barnastólar á reiðhjól — Öryggiskröfur og prófunaraðferðir
 17. EN 14350-1:2004 — Barnavara og vara til nota við umönnun barna - Drykkjaráhöld - 1. hluti: Almennar og tæknilegar kröfur og prófanir
-